

nerabili fratri GUILLELMO, Ierosolymitano patriarchæ, et canonicis Sancti Sepulcri regularem vitam professis, tam præsentibus quam futuris, in perpetuum.

Ex injuncto nobis a Deo officio tam vicinis quam longe positis existimus debitores. Proinde vestris postulationibus annuimus, et ecclesiam Sancti Sepulcri sub beati Petri et nostra protectione suscipimus, et præsentis scripti pagina communimus, statuentes ut quascunque possessiones, quæcunque bona idem locus in præsentiarum juste et legitime possidet, aut in futurum concessione pontificum, largitione regum vel principum, oblatione fidelium seu aliis justis modis, Deo propitio, poterit adipisci, firma vobis in perpetuum et illibata permaneant. In quibus hæc propriis duximus exprimenda vocabulis: ecclesiam, quæ sita est extra castellum Barulum in honore et nomine Sancti Sepulcri, in meridiana parte, cum universis pertinentiis suis, quam fundatores ejusdem loci, consensu et voluntate Bisantii, Tranensis archiepiscopi, construxerunt hac conditione ut in unoquoque anno unam tantum libram incensi fratres ipsius ecclesiæ matri ecclesiæ solvant; ecclesiam Sancti Sepulcri apud Brundisium; ecclesiam Sancti Laurentii extra portam ipsius civitatis, cum pertinentiis; ecclesiam itidem Sancti Sepulcri extra muros Trojanæ civitatis, quam frater noster Guillelmus, episcopus ejusdem civitatis, vobis contulit, cum omnibus pertinentiis suis; ecclesiam in honore beati Theodori, quam prædecessor noster sanctæ memoriæ, papa Calixtus, dedit ecclesiæ Sancti Sepulcri, in Beneventano suburbio positam ac sitam cum omnibus pertinentiis suis; ecclesiam Sancti Apollinaris extra Barum. Sepulturam sane ipsarum ecclesiarum ita liberam et quietam manere sancimus, quemadmodum certum est vos usque ad hæc tempora habuisse. Chrisma quoque, oleum sanctum, consecrationes altarium, ordinationes clericorum, qui ad sacros ordines fuerint promovendi, a diocesanis accipietis episcopis, si quidem Catholici fuerint, et gratiam atque communionem apostolicæ sedis habuerint, atque ea vobis gratis ac sine pravitate voluerint exhibere; alioquin liceat vobis Catholicum, quem malueritis, adire antistitem, qui nostra fultus auctoritate, quod postulatur indulgeat. Decernimus ergo ut nulli archiepiscopo, nulli episcopo, nulli denique archidiacono vel alicui hominum liceat supradictas ecclesias temere perturbare, aut earum possessiones auferre, vel ablatas retinere, minuere, aut earum rectoribus aliquod gravamen indebite irrogare; sed omnia integra conserventur eorum, pro quorum gubernatione et sustentatione concessa sunt, usibus omnimodis profutura. Si qua igitur ecclesiastica sæcularisve persona, hujus nostræ constitutionis paginam sciens, contra eam temere venire tentaverit, potestatis honorisque sui dignitate careat, et a sacratissimo corpore et sanguine Domini nostri Jesu Christi aliena fiat, atque in extremo judicio districtæ

ultioni subiaceat; conservantes autem hæc omnipotentis Dei et beatorum Petri et Pauli apostolorum ejus gratiam consequentur. Amen.

Ego Innocentius, Catholicæ Ecclesiæ episcopus, subscripsi.

Ego Gregorius, diaconus cardinalis Sanctorum Sergii et Bacchi, subscripsi.

Ego Albericus, Ostiensis episcopus, subscripsi.

Ego Gerardus, presbyter cardinalis tituli Sanctæ Crucis Jerusalem, subscripsi.

Ego Lucas, presbyter cardinalis tituli Sanctorum Joannis et Pauli, subscripsi.

Ego Azo, presbyter cardinalis tituli Sanctæ Anastasiæ, subscripsi.

Ego Ivo, presbyter cardinalis Sancti Laurentii tituli Damasi, subscripsi.

Ego Grisogonus, presbyter cardinalis tituli Sanctæ Prædixis, subscripsi.

Data Laterani, per manum Aimerici, sanctæ Romanæ Ecclesiæ diaconi cardinalis et cancellarii, v Kalendas Maii, indictione II Incarnationis Dominicæ anno 1139, pontificatus vero domni Innocentii papæ II anno x.

CDII.

Ad Petrum Venerabilem Cluniacensem abbatem.— Confirmatio possessionum aliquot Cluniacensium.

(Anno 1139, April. 28.)

[MANSI, *Concil.*, XXI, 412.]

INNOCENTIUS episcopus, servus servorum Dei, dilecto filio PETRO abbati Cluniac, ejusque successoribus regulariter substituendis, in perpetuum.

Quos omnipotens Dominus ampliori honestate ac religionis nitore facit esse conspicuos, a sede apostolica convenit plurimum honorari, et opportunis adminiculis confoveri. Quocirca, dilecte in Domino fili Petre abbas, personam tuam paternis affectibus amplexantes, donationem ab illustri viro Guillelmo Montispessulani in manu nostra devotionis intuitu factam, et per nos monasterio tradendam Cluniacensi, tibi tuisque successoribus confirmamus, et Cluniacensi monasterio ratam et inconvulsam perpetuo manere decernimus; statuentes ut in eodem loco oratorium et cœmeterium construat, in quo si quæ personæ undecunque venientes sepeliri deliberaverint, nullius prohibeantur obstaculo, nisi forte vinculo excommunicationis fuerint innodata, salvo nimirum jure matricis ecclesiæ. Adjicimus etiam ut si quid fratribus in eodem loco Deo servientibus concessione pontificum, largitione principum, oblatione fidelium, seu aliis justis modis, Deo propitio in posterum datum fuerit, tam tibi, quam ipsis fratribus præsentibus vel futuris, firma et inviolabilia serventur. Simili quoque modo monasterium S. Gervasii de Fos, quod quidem aliquando prioratus Cluniacensis cœnobii exstitit, nunc autem in abbatiâ per quorundam insolentiam est translatum, in prioratus statum et ordinem revocetur, et perpetuis temporibus cum omnibus suis pertinentiis sub ejusdem monasterii ditione ac dispositione consistat.

Ut autem sacrum Cluniacense cœnobium semper de bono in melius suscipiat incrementum, monasterium SS. Donitiani et Ragneberti sub jure et dispositione tua, et successorum tuorum, perpetuo manere sancimus, quemadmodum a venerabili fratre nostro Petro Lugdunensi archiepiscopo, apostolicæ sedis legato noscitur institutum, et suo scripto, atque sigillo firmatum. Nulli ergo hominum fas sit idem Cluniacense cœnobium super hac nostra concessione ac confirmatione temerario ausu perturbare, aut ejus possessiones auferre, vel ablatas retinere, minuere: sed omnia integra conserventur eorum, pro quorum sustentatione ac gubernatione concessa sunt, usibus omnimodis profutura. Si qua sane in posterum ecclesiastica sæcularisve persona, hanc nostræ constitutionis paginam sciens, etc.

Ego Innocentius Catholicæ Ecclesiæ episcopus, subscripsi.

Ego Gregorius diac. card. SS. Sergii et Bacchi, subscripsi.

Ego Geraldus presb. card. tit. S. Crucis in Hierusalem, subscripsi.

Ego Teudewinus S. Ruffinæ episc. subscripsi.

Ego Anselmus presb. card. tit. S. Laurentii in Lucina, subscripsi.

Ego Littifredus presb. card. tit. Vestinæ, subscripsi.

Ego Lucas presb. card. tit. S. Stephani, subscripsi.

Ego Martinus presb. card. tit. S. Stephani, subscripsi.

Datum Laterani per manum Aimerici S. R. E. diaconi card, et cancellarii, iv Kal. Maii, indict. ii, Dominicæ Incarn. anno 1138, pontificatus domni Innocentii papæ II anno x.

CDIII.

Ad Gualterum abbatem Senoniensem — Confirmatio possessionum monasterii S. Stephani.

(Anno 1139, April. 28.)

[*Gall. Christ.*, XIII, Instrum., 498.]

INNOCENTIUS episcopus, servus servorum Dei, dilecto GUALTERO abbati Senonensis cœnobii ejusque successoribus, etc.....

Hujus rei Gratia dilecte in Domino fili Gualtere, abba, tuis et venerabilis fratris nostri Stephani Metensis episcopi postulationibus clementer annuimus, et monasterium Sancti Stephani, vulgo *Le Monier*, situm juxta castrum Danubrium, ejusdem largitione atque institutione libere concessum ibidem servituris in perpetuum, et a fratre nostro Lethuino Sanctæ Ruffinæ pro tunc apostolicæ sedis legato præfati episcopi aliorumque religiosorum virorum interventione consecratum, cui auctore Domino præsidet, nostris favoris munimine roboraremus, etc. Statuentes ut quascunque possessiones, etc., firmæ tibi tuisque successoribus permaneant, in quibus hæc propriis duximus exprimenda vocabulis: hortamur cum Prato, bannum vestrum in aquis, in nemoribus, in pascuis juxta quod ab eodem bonæ me-

moræ episcopo vobis concessum est, etc. Relaxationem viginti solidorum pro Varta castri Danubrii, sedes salinarias ab omni reditu cujuscunque rei absolutas, relaxationem quinque solidorum pro furca ciconia supra puteum sita vico Metensi, ecclesiam de Ramberti-villa, cum conductu et decimis tam majoribus quam minoribus; allodium *de Bossemont*, et quartam partem ecclesiæ quam quidam Siccardus reddidit ipsi cœnobio in manu prænominati episcopi; et quadrantem allodii quod idem Siccardus cum uxore sua eidem ecclesiæ legitime donavit, in Fontiniaco, medietatem integram allodii totius, quod fuit bonæ memoriæ Arnoldi, etc.

Innocentius papa secundus.

Ego Gerardus presbyter cardinalis Sanctæ Crucis in Jerusalem.

Ego Lucas presbyter cardinalis SS. Joannis et Pauli, et plures alii cardinales, etc.

Datum Laterani per manum Almerici sanctæ Romanæ Ecclesiæ diaconi cardinalis et cancellarii, iv Kal. Maii, indict. ii, an. 1139 pontific. domni Innocentii papæ II an x.

CDIV.

Bona et privilegia Ecclesiæ Lincolnensis confirmat.

(Anno 1139, April, 28.)

[*Monasticon, Anglic*, III, p. 269.]

INNOCENTIUS episcopus, servus servorum Dei, venerabili fratri ALEXANDRO Lincolnensi episcopo suisque successoribus canonice promovendis, in perpetuum.

Cum omnibus ecclesiis et ecclesiasticis personis debitores, ex injuncto nobis a Deo apostolatus officio atque benevolentia existamus, illis tamen propensiori charitatis studio nos convenit providere, quos erga beati Petri et nostra obsequia promptiores ac devotiores esse cognoscimus. Hoc nimirum intuitu, venerabilis frater Alexandre episcopo, tuis desideriis fraternæ benignitate impertimur assensum, et Lincolnensem Ecclesiam, cujus regimen, auctore Domino, administras præsentis scripti patrocinio communitus; statuentes ut quascunque possessiones, quæcunque bona idem locus in præsentiarum juste et canonice possidet, aut in futurum largitione regum vel principum, oblatione fidelium, seu aliis justis modis, Deo propitio, poterit adipisci, firma tibi tuisque successoribus, nec non canonicis ejusdem Ecclesiæ in perpetuum, et illibata permaneant; in quibus hæc propriis duximus exprimenda vocabulis: abbatiam videlicet de Egnesham cum suis tenementis, Neewerc cum suis appendiciis, et cum justitia regali de tribus Wapentac, quam reges Anglorum Ecclesiæ contulerunt; Stou cum suis appendiciis, Nortonam, Ludam, Nerelham, et terram quam habet præfata ecclesia in Lincolnia, scilicet Westegata cum suis appendiciis, tam extra muros ipsius civitatis quam infra; et terram quam dedit Stephanus rex tam tibi quam successoribus tuis ad faciendas episcopales domos, cum xx solidatis terræ ad restituendas easdem domos a parte australi ecclesiæ, cum ecclesia S.